

Guangjisi Minzcu Bau

ganhhau: CN45-0036 B.2016 Nd.8 Ng.10 liggaeuq bingjsaen nienz ndwencaet cobet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3236期

Lozyez Hwngfat Daegsaek Nungz- yez Daihneix Cingzcik Yienhda 乐业发展现代特色农业显成效

Bineix doxdaeuj, Lozyez Yen hop-heux gij hwngfat leixniemh “cauxmoq、boiqhab、saekloeg、hailangh、caez-yiengj”, ndaetndi gaemdawz seizndei hwnjguh diegguhyiengh haedsim daegsaek nungzyez daihneix, gyavaig doicaenh daegsaek nungzyez daihneix hwngfat.

Ciuq dieg bae guh, doedok hwngfat cungdenj. Cungfaen leihyungh gijndei swngghdai swhyenz caeuq deihih deihleix, caenh itboushinghab ngaenzcienz hanghmoeg, haenq-rengz doicaenh hwnjguh diegguhyiengh haedsim daegsaek nungzyez daihneix, doedok gaem ndei daegsaek canjnieb “mak ndei、byaek youjgih、dajciengx swngghdai”, yinxhaeuj giyez youqgaenj, hwngfat gyagoeng doxgaiq reihnaz, doidoengh daegsaek doxgaiq daezsang binjciz demhwnj yauqik caeuq boux-ghuhnaz laisou.

Saethengz nungzyez lijyouz giet-hab, cienzmienh gya' gvangq lijyouzyez dohgvangq caeuq dohlaeg. Gaenxmaenx doicaenh nungzyez + , giethab hong hwngfat daegsaek nungzyez、hwnjguh swngghdai lajmbanj daengj, damqra gij canjniebvaq hwngfat vungsik “nungzyez yauliz sang+lajmbanj gyaundeilijyouz youqndwi”, aeu Dungzloz Cin Luzveiz Cunh dangguh mbanjguhyiengh lijyouz bangrex daeuj dajcaux, gaenxmaenx doicaenh hwnjguh cib leix rumzcinsuen mbaet makit、dieg makmizhouzdauz、lajmbanj lijyouz diegninz Niuzbangz daengj dieg lijyouz nungzyez daejniemh nungzyez yawjngonz gingjsaek.

Giengzvaq gohgi cengjdingj, doidoengh daegsaek doxgaiq reihnaz daezsang binjciz swnggaep. Yinxhaeuj 10 cungj haeuxnaz moq guh baenz benq doiqbeij saedniemh, lawhmoq haeuxnaz binjcungj. Doengzseiz, doeng-

gvaq gungganq “vangjdoxlienx + ” nungzyez daihneix gunghcwngz, damqra laeb diegguhyiengh ndaem daegsaek byaekmak, dwk ndei Lozyez “aenmbanj seiqgyaiq gyaenanz” ciengxndang doxgaiq reihnaz binjbaiz.

Giengzvaq sonyinx beizyin, nyinh-caen hengzguh gihcwngz nungzgi doigvangq bangbouj hanghmoeg. Hop-heux vut gungz gung hoj canloz muzbyauh, byaij haeuj suenmak ndaw reih ndaw naz, haiguh makgam diengz、fuengz non bingh、hoh va hoh mak daengj haedsim gisuz sonyinx beizyin. Doengzseiz, gaenxmaenx doicaenh nungzyez gohgi saedniemh diegguhyiengh hwnjguh, youq daengx yienh senj gungganq 176 aen ranzguhyiengh nungzyez gohgi cungdenj sonyinx beizyin, aeu diemj daiq mienh daezsang bouxghuhnaz suciz.

(Cinz Lanzyen/陈兰艳)



Sanhgyangh: Youzcz Homfwd Yinx Hek Daeuj

三江:油茶飘香引客来

8 nyied 6 hauh, Sanhgyangh Dungcu Swciyen Linzhii Ci Cwngzyangz Bazcai Gingjih banh ndwenbet “cietyouzcz” hozdung, vunzlai dangdieg yungh dwk youzcz Dungcu、biujyienj Heiqdung、ngaizbakranz daengj lai cungj lai yienh cezmuz yinx daeuj bet fueng bouxhek.

Ciuq cam rox, dwk youzcz Dungcu youq Cuihdangz hainduj, dwg cungj gwnnduet sibgveng caeuq daihhek fungsug youqgaenj Dungcu gamiz he, bi 2014 gaenq ndaej liedhaeuj Guengjsae gih gaep feihyiz mingzloeg. Ndaw doz dwg vunzmbanj dwk youzcz hawj bouxhek cimz.

(Gung Bujangh/龚普康)

Lungzlinz Bouh Daih'it Denyingj Vahmyauz Youq Dwzngoz Cin Mbanjmyauz Ingj

隆林首部苗语数字电影在德峨镇苗寨上映

8 nyied 4 hauh, bouh daih'it denyingj Vahmyauz 《Senhgenjlenz》youz Lungzlinz Gak Cuz Swciyen Myauz-yozvei fanhoiz haenx youq Lungzlinz Dwzngoz Cin Denzba Cunh Mbanj-cangghyahcai ingj. Yen Myauzyozvei、cin cwngfuj、cunhveijvei mizgven lingjdauj caeuq Myauzcuz bouxyawj Mbanj-cangghyahcai nem mbanj henzgyawj

daengj 200 lai vunz daeuj ngonzyawj.

Fanhoiz yingiben ndaej daengz Swcigih Gvangjbo Denyingj Densigiz gvansim, yen Myauzyozvei senjbaij lai boux fanhoiz Vahmyauz daengz Aen Cangj Guhbenq Denyingj Guengjsae guh boiqyaem. Ginggvaq roengzrengz, youq bineix 7 nyied guh baenz.

Cuengqingj haemh haenx, daiq angq

yangz lailai daeuj hawj gyoengq bouxyawj, ndaej daengz yienhciengz bouxyawj haenh. Yamqlaeng Myauzyozvei caeuq denyingj gunghsw h y aek aeu bouh denyingj neix bae daengz gak mbanj Myauzcuz ingj, hawj gyoengq bouxyawj daejniemh gij yinxdaeuz vahgangj Myauzcuz.

(Dauz Dwzgvangh/陶德光)

SIUSIK DINJ

简讯

● 8 nyied 4 hauh, Luzcai Yen Fulenz cujciiz yiendaeuz, daiq 12 boux daihhagseng Guengjsae Minzcuz Dayoz gyajseiz-hwngq sam roengz mbanj haenx bae daengz Duzyangz Cunh haiguh fugsah gyaranz lwngyez hozdung. Caeuq 30 lai boux lwngyez doxgyau guhcaemz, geizgan, gyoengq daihhagseng son'gyauq lwngyez ancienz cihsiz y aek yungh daengz haenx.

(Lai Genveih)

● Mboengqneix, Denz-yangz Yen Yifung Cin cujciiz gunghsangh、gyaudoeng、gyauhgingj、anhenh、cunghci daengj gvendaengz cizwngz bumwnz, lienzhab doiq gaihaw guenleix haenx luenh baij gai doxgaiq guh cingjceih, hawj hawciengz miz bouhloh haiguh caeuq cienzmienh baizcawz gak cungj gyaudoeng ancienz vwndiz aenvih ciemq roenloh baij gai doxgaiq fatseng haenx.

(Vangz Gozsun)

● Bineix, Sanhgyangh Dungcu Swciyen daj bi 2016 ngaenzcienz cienhangh bangrex haenx anbaiz 200 fanh hwngfat “byasang bya haeux” “byasang haeux bya”, doenggvaq dauqfuk “bya haeux caemh seng” conzdungj dajndaem vung-sik, saedyienh swngghdai yauqik caeuq ginghci yauqik, baenz diuz roenloh moq vunzlai dangdieg laisou baenzfouq.

(Vuz Lenyinh)

● 8 nyied 4 hauh, Hocouh Si gaiq daihseiq yindungvei nem gaiq daih-ngeih daengxcungq bek-singq lienhdang yindungvei cuj bouxcoz nyez-rauh lanzgiuz doxdax youq Cunghsanh Yen hai, 12 aen doihdaiqbuij sai mbwk daj daengx si sam yienh song gih daeuj haenx, gungh 134 boux yindungyenz camgya doxdax.

(Yangz Siujfeih Lij Dwzgoh)